

Jahresbericht

LIBRARY
OF THE
UNIVERSITY OF ILLINOIS

des

Königlichen katholischen Gymnasiums zu Breslau

für das Schuljahr 18⁴⁵/₄₆

womit zu der

den 12., 13. und 14. August zu haltenden

öffentlichen Prüfung aller Klassen

und der

am 16. August, früh um 9¹/₂ Uhr festgesetzten

Schlussfeierlichkeit, bei welcher die Abiturienten entlassen,
die Prämien vertheilt und die Versetzung der Schüler aller
Klassen bekannt gemacht werden wird,

alle Vorgesetzten, Gönner und Freunde der Anstalt

ergebenst einladet

Dr. August Wissowa,

Director des Gymnasiums und Professor, Ritter des rothen Adlerordens.



Inhalt. 1) Excursus ad Terentii Adelphos, scr. C. Rotter.
2) Schulnachrichten vom Director.



Breslau, 1846.

Druck von Robert Lucas, Schuhbrücke Nr. 32.

AD P. TERENTII AFRI ADELPHOS.

EXCURSUS

DE SONO VERSUUM.

Scriptit C. Rotter, ordinum superiorum in Gymnasio praeceptor, societatis
quae in Silesia litteris patriis colendis constituta floret, socius.

P. Terentii Afri comoediis inter litterarum dramaticarum apud Romanos reliquias jure primus locus adsignatur. Fere omnes omnium aetatum viri docti, iique summi nominis, summaeque auctoritatis philologi iis aut interpretandis aut edendis operam dedērunt, ut hodierno tempore illius scriptoris non jam adeo multa indigere videantur aut nova aut accuratiore explicatione.

Equidem ineunte illo, qui nunc exiit, anno scholastico munus susceperam gratissimum, discipulis primi ordinis Terentii Adelphos explicandi, quo dum praeter alia eaque haud pauca scholae negotia ea qua par est sedulitate occupatum me sentio, novam mihi suscipiendam video provinciam, ut programmati ad publicum Gymnasii nostri examen invitanti latino quodam commentariolo praeludam. Quae res mihi quum ex inopinato tum fere sero innotuit, quumque alia impeditiora et latius explicanda absolvere per temporis angustias jam non liceret, fere invitus consilium cepi, ut ad illam fabulam excursum conscriberem, qui magis discipulis quasi epilogus, quam doctis lectoribus tanquam novum *εὑρημα* proponeretur.

Per satis longum vero tempus attenta aure et quasi summis digitis explorans classicorum, quae dicuntur, et Graecorum et Latinorum poematum formam exteriorem, et optimi cujusque poetae inde fructus sensu et animo percipiens, haberem quidem quae summatim in eo genere proferrem, quae vero ad libellum alio consilio conscribendum reponere malui, ut ea tantum hoc loco promerem, quae quasi praeparationis ad illum finem pars et collectaneorum specimen esse videantur.

De sono versuum Terentianorum in Adelphis.

Ad fabulam excursus.

Quam venustatis atque gratiae poematis recentiore quadam lingua compositis inde existat, ut versus certa lege alternantes in exitu aut unius aut plurium syllabarum similem sonum prodant, (id quod in levioribus poëseos, lyricae potissimum, et gracilioribus generibus quasi praecepti constantis auctoritatem obtinuit,) illud omnes communiter consentientes cognitum habent, qui purgatis auribus de illis rebus judicium ferre possunt. Illud homoeoteleuton, quod vocant, siquidem aptum est et purum neque durum aut contortum, proprium quoddam et singulare recentioris poëseos est ornamentum, miramque movere potest et legentium et audientium delectationem, unde factum est,

ut poëtarum, quos recentior aetas protulit, optimus quisque in eo genere maxime summoque cum studio elaboraverit. Quamquam in eo quoque loco, sicut toto poëseos regno, divinus quidam nisus atque afflatus, sui ipsius fere non conscius, plurimum valet, omnisque inepta ac nimia diligentia justoque altius repetita et arcessita ars incidit in vitium et jure reprehenditur.

Poëtae veteres, graecos dico et latinos, eam laudem commerere noluerunt. Non desunt quidem versuum similiter exeuntium exempla et fere apud omnes antiquitatis poëtas reperiuntur. Lingua etiam utraque, quum latina tum graeca, non solum in radicibus, sed etiam in terminationibus vocum (id quod ad linguas recentiores haud aequè pertinet, quorum termini multo infirmiores plerumque et leviores sunt, et cum veterum linguarum formis et flexionibus comparari vix possunt) tantam habet sonorum quasi copiam, tantam gravitatem et pulchritudinem, ut difficile fere videatur intelligere, cur poëtae veteres illud poëseos ornamentum et corollarium repudiaverint, eoque nisi fere inscientes et fortuito usi non sint. Quamvis vero pro certo hoc minime affirmaverim, et quamvis multum sit a viris doctis disputatum, utrum ea, quae in veteribus poëmatibus sparsim leguntur, homocotelenia, ab auctoris arte et consilio an ab incauta negligentia originem duxerint, tamen nostrum hoc loco non est, in eam rem accuratius inquirere, nec repetere, quae in eo genere jam satis luculenter ac firmiter statuerint atque eviderint apti iudices.

Illud profecto nemo negare poterit, veteres poëtas, quamvis fortasse illud verum ac proprium, quod apud recentioris aevi populos tantopere invaluit, homocotelenia carminibus suis non consulto adhibuerint, tamen non minus auribus quam digitis legitimum, ut ait Horatius, sonum calluisse et in utendo illo soni lenocinio non solum multo opere, sed etiam quasi faustissima Minerva elaborasse, quae recentiorum linguarum versiones omni sonorum artificio imitari non possint, quaeque in lingua vetere ipsa a peritis et doctis solo auditu vel sensu percipi velint.

Instituerunt autem hoc poëtae veteres quadruplici potissimum ratione, inveniuntur enim quattuor sono quasi ludendi genera apud illos, quorum usus in litteris antiquis est frequentissimus, et frequentior fere, quam apud nostrates.

Primum genus cernitur in consonantium repetitione, quae instituitur non solum ab initio vocum integrarum, sed etiam ab initio mediarum ejusdem vocis syllabarum; quin etiam quibusdam locis illud quoque in eum finem potest advocari, quod littera consonans in fine ad sequentem vocem a vocali incipientem recitando traducitur. — Appellata est ea figura a viris talium rerum peritis allitteratio.

Alterum genus existit, quum vocalium repetitio fit aut ab initio plurium vocabulorum aut in mediis vel exeuntibus, aut pluribus locis simul, id quod etiam in consonantibus observari potest. Litterae vocales sonum vocis proprie efficiunt, unde factum est, ut ea soni figura assonantiae nomen acceperit.

Quae priora duo genera ad singulas litteras pertinent, earumque usu bene considerato nituntur. Fuerunt etiam, qui eorum partes plures et quasi secundarias statuerent, quas quidem bene et recte constitui posse concedo, sed in ea, quae mox sequitur, exemplorum enumeratione negligere malui.

Reſiſtantur alia duo genera, quae non jam ad ſingulas litteras, ſed ad integras ſyllabas ſpectant. Quorum alterum cernitur in repetitione ſyllabae radicalis in pluribus ejusdem originis vocabulis, et annominationis nomine designatur, alterum in iterandis vocabulorum terminationibus, aut plane iisdem, ut ex eadem flexionis ratione proveniant, aut ſimilibus tantum, ut ad varia flexionis genera pertineant. Hoc quidem vocaverunt homoeoteleuton; ſed quum eo nomine poſſimum duo tantum vel plures verſus, quorum in fine ſimilis ſonus et quaſi concentus exiſtat, designentur, eam ſoni figuram, quae in uno verſu ſaepeſ repetita terminatione oritur, eoſque ab illa maxime differt, ad analogiam eorum, quae jam accepimus. nominum, quibusſque omnibus virorum claſſici generis peritorum venia et indulgentia eſt impetranda. atterminationem appellaverim.

Ceterum in huiusmodi figuris ſtatuendum videtur. ſyllabas finales, etiam ſi elidantur propter leges metricas, et in recitatione quaſi evaneſcant, quum quidem ſi non auditu, tamen ſenſu audientium haud dubie perceptae ſint, minime eſſe negligendas, ſed aequo jure reſpiciendas. Qua de cauſa in exemplorum ſerie talium quoſque locorum rationem habui.

Utuntur autem his ſoni figuris poëtae veteres ad depingendos varios animi motus, mentisque perturbationes, id quod in fabulis poſſimum ſcenicis maximi momenti fuit, et hiſtrionibus actionis artem valde adjuvare, recitationisſque et declamationis vim et effectum profecto mirum in modum augere potuit. Prae ceteris comoediae veterum iis abundat, easſque ſaepeſſime aut totam fere loci cujuſdam vim comicam efficere, aut eam ſaltem ſpecioſiorem atque efficaciorem reddere facile poſteſt evinci.

Videmus etiam poëtas iis poſſimum perſonis ſermonem talibus figuris ornatam et quaſi conditam attribuire, in quibus totius fabulae cardines verſentur, et dictionem ſcenicam tum maxime iis ſcatere, quum rerum actionumſque implicatio aut ad altiorem aut denique ad ſummum evehatur gradum. Et vere ſunt loci, in quibus propter argumenti gravitatem poëtae plures tales aut unius aut diverſi coloris ſonorum radios ad augendum ſermonis ſplendorem conjuuxerunt, et in totius fabulae quaſi focum collegerunt, cujuſ rei aptum et ſpecioſum in fine huius ſcriptionis ſubjecti exemplum.

Atque ad ea, quae in una Terentii fabula, in Adelphis. reperiuntur, tranſeamus exempla.

I. Alliterationis exempla.

Jam in primis prologi verſibus, qui ut omnes, quos novimus, poëtae prologi minus ad ſummatim proponendum fabulae argumentum, quam ad depugnandos adverſarios compoſitus eſt, audimus quaſi obſibilantem his obſtrectatoribus eoſque explodentem poetam iteratis litteris ſ. et p.

Postquám poëta ſénſit, ſcripturám ſuam
Ab iniquis obſerváre et adverſários
Rapere in pejorem pártē, quam acturi ſumus
Indicio de ſe ipſe érit, vos eritis júdices.

Acta I.

Scena II. In colloquio Micionis et Demeae fratrum, qui sine ullo dubio primarias fabulae partes agunt, ille quidem blande et leniter v. 4.

Quid fecit? —

Hic vero eum excipiens et irascens:

Quid ille fécerit! quem néque pudet

Quidquám: nec metuit quémquam.

Idem v. 9 etc. eodem cum animi motu:

atque omnem fámiliam

Mulcávit usque ad mórtem: eripuit mülierem

Quam amábat, clamant ómnes etc.

V. 53. sequ. Demea simulate concedens, sed cum ira:

tibi si istúc placet

Profúndat, perdat, péreat! nihil ad me áttinet.

Jam si únum verbum pósthac.

Actus II.

Scen. I. Aeschinus ad Parmenonem, qui Sannioni prius, quam ille jusserat, colaphum inflixit, illudens:

v. 20. Non innueram: verum in istam partem pótius peccató tamen.

Paullo infra v. 33. Sannio de se ipso, sed ex sententia aliorum, quasi ironice:

Lenó sum, fatcor: pérniciés commúnis adolescéntium

Perjúrus, pestis. —

Scen. II. v. 37. Sannio querens et ejulans, ut risus excitetur:

Praetérca colaphis túber est totúm caput.

Scen. III. Ctésipho, propter Aeschini fratris beneficium gaudio elatus, gratoque in illum animo:

v. 5. 6. Itaque únam hanc rem me habére praeter alios praecipnam árbítror

Fratrem hómíni nemíni ésse primarum ártium magis principem. —

Scen. IV. Aeschinus ad fratrem blande corrigens:

v. 7. Age inépte: quasi nunc nón norimus nós inter nos, Ctésipho.

v. 10 sequ. Simili ratione:

Ct. Pudébat. Aesh. Ah! stultítia'st istaec nón pudor; tam ob pár-
volam

Rem péne ex patria! — Túrpe dictu! Deós quaeso ut istaec pró-
hibeant.

Ct. Peccávi! —

v. 19. Ctésipho metuens et anxius:

Aliqua ád patrem hoc permánét atque ego túm perpetuo périerim.

Actus III.

Scen. I. Sostratu magna cum animi aegritudine Aeschinum expectans:

v. 7. Solus mearum miseriarum est rémedium.

Canthara Aeschinum mirata vituperans:

V. 10. Talem, tali génere atque animo, nátum ex tanta família.

Scen. II. Geta, servus pius et aegre ferens quae comperit:

v. 6. Hóccine seclum! o scélera! o genera sacrilega! o hominem ímpium.

v. 26. Geta eum aposiopesi: Prórsus — Sostr. Quid istuc prórsus ergo 'st? Get. Périimus!

v. 35. Sostrata de Aeschino querens:

Qui se in sui gremió positurum púerum dicebát patris.

Actus IV.

Scen. V. Micio ad Aeschinum simulate mirans:

v. 36. Qua rátione istuc? quis despondit? quis dedit?

Cui? quándo nupsit? aúctor his rebús quis est? —

v. 47. sequ. Aechinus ad Micionem, quum prima nodi fila solvuntur, pio gratoque ore:

'Ita velim me prómerentem amés, dum vivas mí pater,

'Ut me hoc delictum ádmisisse in me íd mihi vehementér dolet,

'Et me tui pudét.

Scen. VII.

v. 40. sequ. Demea, cujus indignatio ad summum evehitur fastigium, solus secum:

Hancíne vitam! hoscine móres! hanc deméntiam!

Uxór sine dote véniet: intus Psáltria est:

Domus súmtuosa: adoléscens luxu pérditus:

Senéx delirans: ípsa, si cupiát, Salus,

Serváre prorsus nón potest hanc fámiliam.

Locus profecto egregie sonans, magnoque cum effectu quartum fabulae actum concludens.

Actus V.

Scen. II. v. 6. Demea Syro minans:

Non manum ábstines, mastigia?

An tibi jam mavis cérebrum dispergi hic? —

Syrus, villi plenus, secum:

Abit.

Aedepól commissatórem haud sane cómodum,

Praesértim Œtesiphóni.

Scen. IV. Demeae monologus, artificiosus et ad versuum sonum quod attinet, excellens. Allitterationis exemplum habes v. 25 exquisitum:

Ego quoque a meis me amari et magni pendi postulo.

Ea enim per totum versum pergit, quum transitur tantum a littera labiali, eaque leniore **m.** ad duriorem **p.**

Scen. VI. Demea Getam, quem libertate donandum censet, laudans.

v. 5. Nam is mihi profecto est servus spectatus satis.

Assonantiae exempla.

Poëta in prologo, postquam primam adversariorum incusationem refellit, idque, ut supra vidimus, sibilante quadam allitteratione jam primo versu significavit ad explodendam alteram graviter sonanti utitur assonantia vocalis **o**, cui additur iterum repetitio litterae **p.** v. 18 sequ.

Eam laudem hic ducit maximam, quum illis placet,
Qui vobis universis et populo placent,
Quorum opera in bello in otio in negotio
Suo quisque tempore usus est — — —

Similis soni gravitas oritur repetitione ejusdem vocalis Actus primi, Scena I, in verbis Micionis, quibus suaviter declarat suum filii adoptati amorem, v. 21 sequ.

nati filii

Duo: inde ego hunc majorem adoptavi mihi:
Eduxi, a parvulo: habui, amavi pro meo:
In eo me oblecto: solum id est carum mihi.
Ille ut item contra me habeat facio sedulo;
Do, praetermitto: non necesse habeo omnia
Pro meo jure agere.

Ad exprimendam Demeae indignationem pertinet similis assonantia.

Scen. II. 12. — hoc adveniënti quot mihi Micio,

Dixere! in ore est omni populo.

Actus II.

Scen. I. Aeschinus Sannioni instans ad Parmenonem, v. 15 sequ.

Cave nunc jam oculos a meis oculis quóquam demoveas tuos:
Ne mora si, sit innueró, quin pugnos continuo in mala haereat.

Scen. II. Sannio querens et se excusans ad Syrum v. 7:

Qui potui melius, qui hodie usque os praebui?
Syrus imitando eam assonantiam excipiens v. 8.

Pecuniam in loco negligere maximum interdum 'st lucrum. Sa. Hui!

Actus III.

Scen. II. Geta, Sostratam conspiciens, lactus quidem sed etiam vehementer sollicitus: v. 24.

Te expeto: oppido oportune te obtulisti mi obviam.

Idem consilium suum exponens, omnia, quae cum Aeschino et Pamphila acciderint esse celanda et tegenda; inde a versu 39. multa utitur assonantia in repetendis vocalibus **a** et **o**, donec concludit locum his verbis, v. 44.

Quaproppter quoquo pacto tacito 'st opus.

Paullo post similiter Sostrata suum omnia detegendi consilium his verbis absolvit v. 53.

Tu quantum potes,

Abi, atque Hégioni cónnato hujus rem enarrato omnem ordine:

Nam is noster Simuló fuit summus, et nos coluit maxime.

Scen. III. v. 55. Demea simulatis a Syro Ctesiphonis laudibus vehementer gaudens:

Oh, lacrumo gaudio! —

quam vocalis **o** iterationem frequentiore per aliquot versus retinet, laetae loquacitati indulgens, et a Syro interdum sed aliis vocibus, eam vocalem non resonantibus, interpellatus, donec ille v. 63 imitando his responsis:

prohissime! — Non hercle otium 'st

colloquium ita invertit, ut etiam in sequentibus assonantiae imitatio continuetur ab ipso.

Actus IV.

Scen. I. In voto Ctesiphonis scilicet satis pio v. 4.

Ut triduo hoc perpetuo prorsum e lecto nequeat surgere, poteris assonantiam eum allitteratione conjunctam agnoscere.

Scen. V. Micio ad Aeschinum leni et benigna cum reprehensione v. 59 sequ.

Quid? credebas, dormienti haec tibi confecturos deos?

'Et illam sine tua opera in cubiculum iri deductum domum?

Nolim ceterarum rerum te socordem eodem modo.

Bono animo es: ducés uxorem hanc: bono animo es, inquám. Aesch.

Pater,

'Obsecro, num ludis tu nunc me? M. 'Ego te! quamobrem? Aesch.

Nescio.

Aeschinus, qui eam assonantiam respondendo jam adjuvit, denique gaudio elatus exclamat, v. 66:

Di mé, pater,

'Omnes oderint, ni magis te quam oculos nunc amó meos.

Addit paullo infra v. 70, 71:

Tú potiús Deos cómprecare! nám tibi eos certó scio,

Quó vir melior multo es quam ego, obtémperaturós magis.

Actus V.

Scen. III. Micio Demeam amicis verbis alloquitur, ut sanam et quietam rerum rationem habeat, animique iracundiam denique compescat, velut vers. 20 sequ.

Ausculta paucis, nisi molestum, Demea,
Principio, si id te mórdet, sumtum filii
Quem faciunt, quaeso hoc facito tecum cógites:
Tu illós duos olim pró re tollebas tua,
Quod sátis putabas tua bona ambobús fore etc.

Inest iterum in his versibb. consulta vocalis o repetitio, quae fere tota scena magis minusve observari potest.

Scen. IV. Demea secum cum animi aegritudine v. 21 seq.

Ita eos meo labóre eductos máxumo hic fécit suos
Paúllo sumtu: miseriam omnem ego cápío, hic potitur gáudia.
Age age, nunc expériar porro cóntra, ecquid ego póssiem
Blánde dicere, aut benigne fácere, quando eo próvocat.

Scen. IX. v. 21. Syrus ad Demeam laeto et gratissimo animo:

Dí tibi, Demea, ónnia omnes sémper optata ófferunt.

In quibus verbis etiam inest annominatio.

Annominations exempla.

Ejus generis rariora quidem in adelphis sunt exempla, sed non desunt.

Actu I. Scena II. 57. Micio:

Unum vis curem? curo: et est Dis grátia.

Act. II. Scen. II. Syrus ad Sannionem v. 10:

hóminum homo stultissime!

Act. III. Scen. III. Demea iratus et sollicitus v. 30:

Vae miseró mihi!

Vidére videor júm diem illum etc.

Act. IV. Scen. V. Aeschinus sollicitus et anxius ad Micionem simulata narrantem v. 34.

Quum hanc sibi videbit praésens praesenti éripi.

Scen. VII. Micio hominum vitam eum tesserarum ludo comparans v. 23:

Illúd, quod cecidit fórte, id arte nt corrigas.

Statim Demea excipiens ironice:

Corréctor! etc.

Act. V. Scen. IX. Demea v. 33:

Quí non justa injústa prorsus omnia omnino óbsequor.

Atterminationis exempla.

Multo plura eaque aptissima hujus generis exempla in Adelphis offeruntur.

Actus I.

Scena I. Micio de cessante filio vehementer anxius suamque parentis cum uxorum de cessante marito sollicitudinem comparans v. 11:

Et quibus nunc sollicitor rébus! ne aut ille álserit,
Aut úspiam ceciderit, aut perfrégerit
Aliquid. —

Scen. II. Idem, postquam Demea abiit, secum, quae ille dixerit, reputans nec omnia omnino improbens v. 72 sequ.

Sperábam jam deférvisse adolescéntiam
Gaudébam.

Actus II.

Scen. I. Aechinus minans ad Sannionem, v. 27:

Nam si molestus pérgis esse, jam intro abripiere átque ibi
Usque ad necem operiére loris. Sann. Lóris? liber? —

ubi etiam in responsione Sannionis apta observari potest allitteratio.

Scen. II. Sannio ratione valde comica allitterationem cum atterminatione conjungit v. 3:

Ego vápulando, ille vérberando, usque ámbó defessi sumus.

Actus III.

Scen. I. Canthara cum levi objurgatione ad Sostratam de instante Pamphilae partu vehementer anxiam v. 3:

Jam nunc times quasi númquam adfueris, númquam tute pépereris.

Scen. II. Geta, qui heram et nutricem in scena adesse nondum sentit, vehementer iratus Aechino, pioque animo suo maxime laesus secum, v. 13:

Nihil ést quod malim, quam illam totam fámiliam dari (mi) óbviám,
Ut ego íram hanc in eos évomám omnem.

Statim sequitur locus efficacissimus, in quo etiam observari potest gradatio quaedam in ipsa soni figura, v. 15 sequ.

Seni ánimam primum exstinguerem ipsi, qui illud produxit scelus.
Tum autém Syrum impulsórem, vah, quibus illum laceraré modis!
Sublimem médium arriperem, et capite prónum in terram státuerem,
Ut cérebro dispergát viám.
Adolescenti ipsi ériperem oculos, póst haec praecipitém darem.
Caéteros ruerem, ágerem; raperem, túnderem et prostérnerem.

Bini priores loci versus eam imperfecti conjunctivi formam semel, qui sequuntur duo bis proferunt, in extremo quinquies repetitam vides.

Scen. III, v. 57, 58 similis soni lusus. Demea vano scilicet gaudio repletus propter Ctesiphonis integritatem, quam Syrus ei imposuit, partim secum, partim ad Syrum addita quoque allitteratione:

D. Salvós sit spero: est similis majorúm suum. Syr. Hui! —

D. Syre, praéceptórum plénus istorum, ille. Syr. Phy! —

Videas potissimum Syri interpellationem illudentem in exitu utriusque versus, qua fere homoeoteleuton efficitur. Locum, qui sequitur supra jam attigimus, est enim valde sonorus et miro artificio compositus. Ad atterminationem quod attinet, attendas potissimum ad versum 71. Syri:

Hoc sálsum 'st, hoc adústum 'st, hoc lautúm 'st parum!

Scen. IV. Hegio, senex probus ac severus, enarrans Demeae, quae commiserit Aeschinus in Pamphilam v. 25 sequ.

Venit ípsus ultro, lácrumans, orans, óbsecrans,

Fidé[m] dans, jurans se illam ducturúm domum,

Ignótum 'st, tacitum 'st, crédito[m] 'st.

Et infra idem, omni severitate affirmans, se adjuturum esse mulieres fraude deceptas, v. 51 sequ.

Quaprópter nitar, fáciam, experiar: dénique

Animám relinquam pótius, quam illas déseram.

Actus IV.

Scen. II. Ctesipho latens et Syri consilio minus fidens, callide secum v. 12:

Núnquam hercle hodie ego ístuc committám tibi:

Nám me jam in cellam áliquam cum illa cócludam id tutíssimum 'st.

Et versu qui sequitur Demea Syrum conspiciens et irascens:

Séd eccum sceleratúm Syrum!

Scen. V. Micione falsum callide nuntium proferente, ut Aeschini veram animi sententiam cognoscat, ille eam prodens v. 29 sequ.

Fáctum a vobis dúriter,

Immisericorditérque atque etiam, si ést, pater,

Dicéndum magis apérte, illiberáliter. —

Infra Micio Aeschinum leniter, sed severe vituperans v. 53 sequ.

Jam id peccatum primum magnum: mágnum, at humanúm tamen.

Fécere alii saépe item boni: at póstquam id evenit, cedo,

Númquid circumspéxti? aut numquid túte prospéxti tibi.

Quid fieret? Qua fieret? —

V. 69. Micio, postquam Aeschini integritatem satis cognovit, se aliquid simulasse fatens:

'Abiit, periit, návem adscendit.

Actus V.

Scen. I. Syrus potus, Demea in eum invehens: V. 4 sequ.

Syr. Aedepól, Syrisce, té curasti mólliter,
Lautéque munus administrasti tuum.

Abi! séd postquam intus sum ómnium rerúm satur,
Prodeámbulare huc libitum 'st. —

V. 8 sequ.

D. Tun'? si meus esses! Syr. Dis quidem esses, Démea! —
Ac tuám rem constabilisses. D. Exemplum ómnibus
Curárem ut esses! —

Scen. II. Syrus crapulam edormíturus, v. 11:

Aliquo ábeam, atque edormiscam hoc villi. sic agam.

Observari quoque hoc loco potest quatuor ultimos 8—11 alternos in aequalem sonum exire:
commodum, nunc agam
angulum, sic agam.

Scen. III. Demea, Micioni jam cedens, sed aegritudine morsus, quid cum psalteria ista facturus sit, profert v. 60:

Illí favillae pléna, fumi ac póllinis,
Coquéndo sit faxo ét molendo: praéter haec
Meridie ipso fáciam, ut stipulam cólligat.
Tam excóctam reddam, atque átram quam carbó 'st etc.

Scen. VII. Demea mutato callide consilio suo ad Aeschinum, v. 8:

Missa haéc face,
Hymenaéum, turbas, lámpadas, tibícinas.

Attendas ad gradationem in syllabarum numero.

Idem eodem loco callidó cum obsequio ad Aeschinum v. 22:

Multo réctiu 'st,
Quam illám puerperám nunc duci huc pér viam.
Aegrótam.

Scen. VIII. Micio, precibus Aeschini et Demeae devictus, quamvis comice, subirascens. V. 21:

Etsi hóc mihi pravum, inéptum, absurdum, atque álienum a vitá mea
Vidétur: si vos tántopere istuc vóltis, fiat etc.

Eliduntur quidem omnium adjectivorum terminationes consonantes, sed illud fieri posse, neque quidquam inde figurae effectui detrahi, supra vidimus.

Demea ad Micionem, amice et blande, ut eum ad novam in Hegionem comprobandam liberalitatem permóveat v. 27:

Si multúm est, tamen
Faciéndum est: pro patre huic est: bonus est: nóster est: recté
datur.

Scen. IX. Syrus in suam ipsius laudem, v. 5:

'Ego istos vobis úsque a pueris cùravi ambos sèdulo,
Dócui, monui, bène praecepi sèmp(er), quae potui, ómnia.

Syrus rogítans, et Demea accedens, v. 16:

S. Crédo: utinam hoc perpétuum fiat gáudium,
Phrygiám ut uxorem meam una mecúm videam liberam.

D. 'Optumam quidem mulierem. Syr. Et quidem tuó nepoti, hujus filio
Hódie primam mámmam dedit haec.

V. 29 sequ. Verba sunt Demeae, qui ut omnia in justum quasi ordinem redigeret, eam, quam in scenis praecedentibus ostendit, liberalitatem, indulgentiam, largitatem fere invitus praese gesserat. In eo loco, quo totius fabulae documentum quasi focus continetur, admirabilis est sonorum lusus, ut fere omnia istius generis exempla conjungantur, qua de caussa integrum adscribimus:

Dicám tibi:

'Ut id ostenderém, quod te isti fáci(em) et festívom putant,
'Id non fieri ex véra vita, néque adeo ex aequo ét bono,
Séd adsentando atque indulgendo et lárgiundo, Micio.
Núnc adeo, si ob éam rem vobis méa vita invis(a), Aéschine, est;
Quia non justa injústa prorsus ómnia omnino óbsequor:
Missa facio, effúndite, emite, fácite, quod vobis lubet.
Séd si id voltis pótius, quae vos própter adolescéntiam
Mínus videtis, mágis impense cúpit(is), consulítis parum,
Haéc reprehendere ét corrigere, et óbsecundare in loco:
'Ecce me, qui id fáci(am) vobis.

Similis locus, arte et versuum sono excellens, quem supra jam attigi, est Actu V, Scena IV Demeae monologus, quo consilium suum se plane immutaturum esse dicit, quo facto sequentes, quibus exit fabula, scenae, quarum effectus maxime comicus est, quasi praeparantur. Juvat, ex eo loco aliquot tantum versus adscribere, qui in optimis et splendissimis totius fabulae numerandi videantur:

V. 8 sequ.

'Id esse verum, ex me átque ex fratre cuivis fáci(e)le est nóscere.
'Ille suam sèmp(er) égit vitam in ótio, in convíviiis:
Clémens, placidus, nulli laedere ós, arridere ómnibus.
Sibi vixit, sibi sùmtum fecit: ómnes bene dicúnt, amant.
'Ego ille agrestis, saevus, tristis, párcus truculentús, tenax,
Dúxi uxorem etc.

Et paullo post v. 16 sequ.

Núnc, exacta aetáte hoc fructi pró labore ab his fero,
'Odium. ille alter sine labore pátria potitur cómmoda,
'Illum amant, me fúgitant: illi crédunt consilia ómnia:
'Illum diligúnt: apud illum sùnt ambo: ego desértus sum.
'Illum, ut vivat, óptant: meam autem mórt(em) exspectant.

Quamquam eorum quidem versuum non solum sita est venustas in soni figuris, quas descripsimus, sed etiam in omni ordine et constructione, quae veri artificis manum prodit. Respicias quoque aptissimam, quae iis inest, antithesin. —

Haec quidem apta et digna duxi, quae proponerentur ex illa fabula ejus generis, de quo disseritur, exempla, quibus comprobari volui, multam et profecto admirabilem artem veteres poëtas, praecipue comicos, etiam in perpolienda forma exteriore poematum suorum posuisse; — quod enim in una unius poëtae fabula exemplorum multitudine mea quidem sententia sufficienti comprobasse mihi videor, illud etiam ad reliquas ejusdem, et ad alia aliorum carmina pertinere et facile in illis inveniri posse, quisque quamvis obiter tantum eo consilio ad talia intuens libenter mihi concedet, quaeque in eo genere contenderim atque affirmaverim, vera esse fatebitur. Excipiant igitur benigno et benevolo animo lectores, quaecunque significata magis quam accuratius et fusius elaborata hisce pagellis exposuimus atque obtulimus.



